

# BIBELE LE CHELETE

## Lenane-thuto

Notes

—

### KAROLO #1:

- I. Selelekela.
- II. Re qala kae?

### KAROLO #2:

- III. Litemoso khahlanong le maruo.
- IV. Ts'ebeliso e nepahetseng ea chelete le Maruo.
  - A. Sepheo sa Chelete le Maruo.

### KAROLO #3:

- IV. Ts'ebeliso e nepahetseng ea chelete le Maruo (nts'etso-pele).
  - B. Mekhoa ea ts'ebeliso ea chelete le maruo.
- V. Baakofisi ba maruo.

### KAROLO #4:

- V. Baakofisi ba maruo (nts'etso-pele).
- VI. Tekano le kabo ea Lisebelisoa.

### KAROLO #5:

- VI. Tekano le kabo ea Lisebelisoa (nts'etso-pele).
- VII. Ho fana.
- VIII. Qetello ea Thuto: Pitso ea bophelo bo bobebe.
  - TLHAHLOBO.

# BIBELE LE CHELETE

Notes

## Tlhahlobo

### Lipotso tse ka lebelloang, Limaraka li 20

- 1) Akaretsa karabelo ea potso ena: re qala kae (maq. 134-137)?
- 2) Hlalosa li-pheo tse mpe tsa chelete (maq. 140, 141).
- 3) Hlalosa kamoo papiso ea mohlanka “ea soto” e bonts’ang sepheo sa chelete ka teng (maq. 144-147).
- 4) Khetha o mong oa mekhoha ea ts’ebetso o be o hlalose kamoo o amanang le chelete ka teng (maq. 148-150).
- 5) Hlalosa le ho hlakisa taba ea “boshome bo fetohang” (maq. 154-157).
- 6) Hlalosa se boleloang ha ho thoe Bakreste “ba amohela ho fana” (maq. 166-168).

### Lipotso tse ka lebelloang, Limaraka li 10

- 1) Bolela mabaka a mabeli ao Bibe e bonts’ang hore re lokela ho phela ho ea ka litlhoko (leq. 135).
- 2) Hlalosa thuto ea Bibe ea ho khotsofalla seo o nang le sona (leq. 137).
- 3) Na chelete le maruo ke lintho tse mpe ka kakaretso? Ts’ehetsa ka Lengolo (leq. 138).
- 4) Bolela Mangolo a mabeli a khothaletsang ho qoba maruo (leq. 139).
- 5) Hlalosa “kaloso” le “kaloso e ntle” (leq. 141).
- 6) Etsa kakaretso e nepahetseng ea sepheo sa chelete (leq. 141).
- 7) Sebelisa Bae 4:28 ho bonts’a hore leha Bakreste ba lokela ho phela “bophelo bo bobebe” ba ntse ba khona ho beha litholoana (leq. 151).
- 8) Akaretsa maikutlo a Wesley a ts’ebeliso ea chelete (leq. 157).
- 9) Ke Lengolo le fe le “lupang” thuto ea boiketlo, katleho le nala e sa feleng (leq. 157)?
- 10) Bonts’a kamoo thuto ea boiketlo e sebelisang melao e iqapetsoeng ka teng (leq. 160).
- 11) Sebelisa lintlha tse tharo tsa Testamente ea Khale tse akofisang tekano (leq. 161).
- 12) Beha maikutlo a hau mabapi le ntlha ea kabo o ipapisitse le Luka 12:48 (leq. 163).

# BIBELE LE CHELETE

## I. Selelekela.

### A. Boloetse bo Bitsoang Leruo.

Notes

1. Kereke ea lichaba tse bophiremela le batho ba moo, ba ts'oeroe ke boloetse bo kotsi haholo. Boloetse boo ke Leruo. Boloetse bona bo pepeta bophelo ho tsoa Kerekeng.
  - a. Empa, ha ho makatse. Re ne re ka 'na ra lebella hona. Ebile Jesu o ile a e porofeta lilemong tse 2000 tse fetileng hore hona e tla ba seoa se seholo kahar'a Kereke le mosebetsi oa eona (Mar 4:18, 19).
  - b. Kereke ea Bophirimela e bonahala e kenoe ke leruo, 'me ba na le khatello moeeng.
2. Matla a maholo a boloetse bona a tla ka bolotsana le thetso. Bakreste ba bangata ba Bophiremela, bao kamano ea bona le Morena e angong ke boloetse bona, ha ba bone le ho bona hore ba a kula.
  - a. Ho arabela polelo ea America ea hore haeba chelete e kenang ka selemo ke \$15,000 feela, hoo ho bonts'a bophelo bo qetheng ea bofutsana, Ron Sider o ngotse khalemo e latelang bukeng ea hae e bitsoang, Rich Christians in an Age of Hunger:

“Ho batho ba bangata ba lefats'e, polelo ena, ha e na bohlae le 'nete. Ho etsa bonnete ba hore re na le \$15,000, \$18,000, kapa ho feta ka selemo, eba re ba le koloi tse peli, ntlo e kholo e ntle, inshoreense ea bophelo ea \$100,000, liphahlo tse ncha nako le nako, mechini ea mehleng ena e seng e etsa hore batho ba se sebetse haholo lirapeng le malapeng, libeke tse tharo tsa leeto la phomolo selemo ka seng, le lintho tse ling tse ngata. Hoo, ke bona bophelo bo qetheng ea bofutsana.”<sup>1</sup>
  - b. Tikoloho ena ea bochabela, e etsa sets'oants'o se sothehile se hahang maikutlo a tse labalabeloa ho ena le tse hlokoang. Jack Taylor, bukeng ea hae e bitsoang, God's Miraculous Plan of Economy, o lumela hore meetlong ea lichaba tsa bophirimela, ho bonolo ho haha maikutlo a feteletsoeng a tse hlokoang.

# BIBELE LE CHELETE

## Notes

- c. Tayloro fana ka lipalo-palo tse latelang ho bonts'a maikutlo ana a fetelelitsoeng:
- “Baithuti ba lintho tse amanang le botho, ba entse tlaleho lilemong tse ‘maloa tse fetileng hore, qalehong ea mongoaheng oona oa 20, Mo-America o ne a batla lintho tse 72, ‘me o nka tse 18 li le bohlokoa. Lilemo tse 50 kamorao, lethathamo la lintho tse batloang le eketsehetse ho 496, ‘me lintho tse 96 li ne li nkua li le bohlokoa bakeng sa thabo ea motho.”<sup>2</sup>
- 1) Ka lilemo tse 40, ntho ena e nyolohile le ho feta.
  - 2) Lenyora le ho lapela lintho tse ts'oarehang le netefatsoa ke lintho tse se seng li rutoa.
  - 3) Leha ho le joalo, batho ba bangata ba Bochabela, ba nahana hore ba futsanehile ha ba se na lithepa tse ngata, joaloka likoloi tse peli le televeshini e kholo, jj.
  - 4) Mokhoa oona oa ho nahana o bitsoa thetso oa maruo.
    - a) Thetso ea Leruo e tletse ka ts'epo ea bohata, ts'ireletsonyana e se nang bonnete, le thabonyana ea nakoana eo chelete e e hlahisang. E boetse e tletse ka thetso ea hore re lokela ho ba le maruo oohle. Ke thetso e re sitisang ho tsebisisa seo e leng tlhoko ea mantlha.
    - b) Ke thetso ea mofuta oona e lahleng ngoana ea sa holisoang hantle, ea fuoang so-o-o-hle seo a se batlang. Ngoana ea joalo ha a fuoa limpho tse tharo, o ba le tebello ea ho fuoa tse ‘ne nakong e tlang. Ngoana ea holisitsoeng tjena ha a khotsofale.
      - (1) Hona ho re senolela bothata bo kahar'a Kereke ea lichaba tsa Bophirima tsa lefats'e. Ke kereke e hlomang e ka e phela boiketlong. Empa, e fetohile kereke e sa fihleleng kholo.
      - (2) E ts'oana le ngoana ea hotseng a fuoa tsohle, eo a seng a sa tsebe phapano pakeng tsa litaba-tabelo le litlhoko tsa mantlha.

### Ntlha ea Puisano

Sebelisa ntlha e ka holimo ho akofisa puisano mabapi le setso le mokhoa oo ho pheloang ka oona moo o phelang teng, ekasitana le mokhoa oo o holisitsoeng ka oona.

# BIBELE LE CHELETE

## B. Se Ka Etsoang.

Notes

1. Kereke e lokela ho elelloa bohlokoa ba thuto ea chelete le maruo.
  - a. Jesu o ne a sa tsoafe ho bua ka taba ena. Karolo e ngoe ea lithuto tsa hae e ne e le Chelete. Ho bonts'itsoe hore karolo e kaalo ka 25% ea lithuto tsa Jesu, Evangelizing ea Luka, e ne e le ea chelete le maruo.
  - b. Ntho ena ha ea lokela ho ba semaka. Jack Taylor o re, **“hantle-ntle, sets'oants'o sa chelete ke qetello ea bophelo ba semoea. Haeba lintho li sa loka mona, ha li ea loka kae kapa kae!”**<sup>3</sup>
2. Baruti le balisa kahar'a Kereke ba lokela ho ruta ka taba ena. Empa ha ba a lokela ho ruta ho ea ka litakatso le maikutlo a bona. Ba lokela ho ruta seo Bibe le se rutang ka chelete le maruo, le haeba e ka ba khahlanong le chalimo ea batho. Thuto ea Bibe le ka chelete le maruo e lokela ho kenyeletsoa thutong le therong ea rona.

## C. Lintlha tsa Thuto ena.

1. Sepheo sa thuto ena ke ho fana ka thuto ea Bibe le ka Chelete.
2. Re tla ithuta Bibe le haholoanyane malebana le Chelete le maruo. Re tla ipapisa haholo le lipolelo tsa Jesu. Re tla haha thuto ea mantlha e tla akofisa tsela ea Bibe le ea ho phela.

# BIBELE LE CHELETE

Notes

## II. Re Qala Kae?

### A. Re Lokela Ho Ba Sebete.

1. Re lokela ho elelloa hore Bibe le ha e buelle bophelo bo hlamatsehang.
2. John Stott, bukeng ea hae, e bitsoang Involvement, o bua tjena:

“Kaha re phela nakong ea batho ba li-milione ba bafumanehi, ha ho etse keello hore Bakreste ba phele ba ruile ka ho fetisisa, ba sa amohele mokhoa o bobebe oa ho phela. Ntho li peli tseo re ka khethang ho tsona, e ka ba hore re lumelle matsoalo a rona e be re fokotsa mokhoa o ho phela ka maruo a mangata-ngata, ra hopola ba hloka; kapa re ka hatikela matsoalo a rona ra iphelela ka har’a bokhothokhotho ba chelete le ho hlamatseha ha maruo, re sa tsotelle ba bang.”<sup>4</sup>

- a. Stott o bua ka “matsoalo” a rona. O lumela hore kutloelo-bohloko e tlišoang ke Moea oa Molimo, e pelong ea Mokreste e mong le e mong.
- b. O boetse o bua ka “bofumanehi ba ba li-millione.” O lumela hore Bakreste bohle ba elelloa bofumanehi bo teng kahar’a lefats’e, ekasitana le moo ba phelang teng.

#### Ntlha ea Puisano

Sebelisa lintlha tse ts’ohliloeng le 1 Johan 3:17 ho akofisa puisano.

- c. Ho elelloa bofumanehi bo kahar’a lefats’e, kutloelo-bohloko e ho Bakreste, le taelo ea litemana tse kang 1 Johan 3:17, li lokela ho netefaletsa Bakreste bohle hore ha ho thuto e fe kapa e fe ea Bibe le e ts’ireletsang bophelo bo hlamatsehang, ba boikhabo.

#### Ntlha ea Puisano

Sebelisa Luka 12:48 ho bua ka qetello ena le kamoo Bakreste ba lokelang ho sebelisa maruo a bona ka teng.

# BIBELE LE CHELETE

3. Phapano ea ho phela bophelo bo hlamatsehang, ba boikhabo; ke ho phela ho ea ka litlhoko tsa mantlha.

a. Bibe e bonahala e ts'ehetsa taba ena ka mabaka a mabeli:

1) Ho qoba teko ea maruo.

2) Ho arolela bahloki. Lemoha moelelo oa Liprov 30:8, 9 le Liketso 2:45.

b. Bibe e ts'episa hore Molimo o tla re sitsa ka tsohle **tseo re li hlokanang** (Baf4:19).

1) E ngoe ea lintho tse etsang hore batho ba batle maruo a mangata-ngata, ke ho se elelloe tsela eo Bibe e hlalosang **litlhoko** ka teng. Ha litabatabelo tsohle li hlaloso e le litlhoko, hona ho tsoala thahasello e kholo ea leruo.

2) Litlhoko li hlalositsoe ho Math 6:25-33. Ke lintho tsa mantlha tse tsamaisang bophelo, joaloka lijo, metsi, le liaparo (tse koahelang 'mele).

4. Kahoo re qala kae? Re qala ka ho nchafatsa likelello tsa rona. Re qala ka ho nepa tlhaloso ea rona ea litlhoko le ho phela ho ea ka tsona, e seng ho phela ka tshamatseho le boikhabo.

## B. Re lokela ho ba le tekano e nepahetseng.

1. Bibe e bua le ho ts'ehetsa bophelo bo bobebe ka mabaka a hlakileng (ho qoba teko, ho ba le bokhoni ba ho fana). Ha se hobane ho futsaneha ho bonts'a khalalelo. Hona e ne e le kutloisiso ea khale, 'me e lokela ho qojoa.

### Ntlha ea Puisano

Sebelisa Liprov 30:8 le 28:27 ho akofisa puisano ka ho ba le tekano e nepahetseng mabapi le chelete.

Notes

—

# BIBELE LE CHELETE

## Notes

2. Walter Pilgrim, bukeng ea hae e bitsoang, Good News to the Poor, o re

“Seo Luka a lekang ho se bonts’a ke thuto e ncha ka maruo le ts’ebeliso e nepahetseng ea maruo ke Bakreste. Sepheo sa hae ha se ho bonts’a tsela eo Bakreste ba lokelang ho futsaneha kapa ho rua ka eona. Empa Luka o leka ho hlalosa le ho khothaletsa hore Bakreste ba sebelise maruo a bona ho bonts’a lerato.”<sup>5</sup>

### Ntlha ea Puisano

Sebelisa ntlha e sa tsoa ts’ohloa ho akofisa puisano.

3. John Stott o re thusa ho etsa le ho boloka tekano e nepahetseng:

“Re ile ra sheba likhetho tse tharo tse tobanang le Bakreste ba ruileng haholo ba bile ba sa tsotelle batho ba bang. Empa na re lokela ho futsaneha? Che ha ke rialo. Leha Jesu a biletsa batho ba bang joaloka Mohlanka oa Morui ho ithaopela ho futsaneha, hoo ha se pitso ea Barutuo ba bohle ba hae. kahoo, na re lokela re lule re le barui? Che, hona ke ho fokolloa ke bohlae (ka baka la kotsi ea boikhohomoso le **lerato** la leruo), ebile ke ntho e ke keng ea khoneha (hobane re lokela ho fana ka nyakallo, ‘me hoo ho tla fokotsa leruo a la rona). re lokela ho fa ba hlokang, hape re lokela ho ananela le ho khotsofalla ho phela bophelo bo bobebe.”<sup>6</sup>

### Ntlha ea Puisano

Sebelisa ntlha e sa tsoa ts’ohloa ho akofisa puisano e mabapi le ho arolela ba bang le ho phela bophelo bo bobebe.



# BIBELE LE CHELETE

- a. Stott o bua ka kananelo le khotsofallo ea seo o nang le sona. Thuto ea Bibe le mabapi le khotsofalo, ke eona ea mathomo bakeng sa ho loants'a **lerato la leruo**.
- b. Ntlha-mantlha bakeng sa ho khotsofala ke 1 Johan 2:15.
  - 1) Khotsofalo e qala ka ts'epo (Bah 13:5).
  - 2) Khotsofalo ke ntho eo o ka ithutang eona (Baf 4:11).
  - 3) Khotsofalo e hokahanyoa le borapeli (1 Tim 6:6).
  - 4) Khotsofalo e bonts'oa e le se hlokoang bakeng sa pako (Luk 3:10-14).
- c. Bibe le ha e ts'ehetse bophelo ba boiketlo, bo hlamatsehang. E ts'ehetsa taba ea ho khotsofala (bala Luk 6:24-26).

Notes

—

## C. Kakaretso.

- 1. Re qala kae?
  - a. Re qala ka ho ipolella 'nete, ke hore, rona le ba bang.
  - b. Re qala ka ho bua ka sebete khahlanong le bophelo ba tlhamatseho, bo sa tsotelleng ba bang nakong ena ea litlala tsa sekoboto.
  - c. Re qala ka ho qholotsana hore re be le tlhaloso le kutloisiso e nepahetseng ea **litlhoko** le ho phela ho ea ka tsona.
  - d. Re qala ka ho boloka tekano e nepahetseng, e le hore maikutlo le chalimo ea rona e se qetelle e fosahetse ka ho fetisisa hoo e ka bang chalimo eo re e hanyetsang.
  - e. Re qala ka ho latela thuto ea Bibe le ea ho khotsofala, e leng se tla re thusa ho lehlehela ke thahasello linthong tsa lefats'e. Re tla tseba ho ba le sebopeho se sa tsotelleng chelete le maruo, joale re tla khona ho batla 'Muso oa Molimo pele (Math 6:33).
- 2. Lintlha tsena le tse ling li bonts'a libaka tseo ntoa e khahlanong le takatso ea maruo a mangata-ngata e qalang teng.

# BIBELE LE CHELETE

Notes

## III. Litlhokomeliso Khahlanong le Maruo.

### A. Na chelete le Maruo li hlile limpe ka botlalo na?

1. Karabo e nepahetseng ea potso ena ke, Che. Ke lerato la chelete le lebe. (1 Tim 6:10).
2. Kabomalimabe, Bakreste ba araba potso ena ka nepo, empa ba etsa se fapaneng le karabelo ea bona. Ba leka ho sireletsa le ho beha mabaka a ts'ehetsang taba ea ho ba le maruo le lichelete tse ngata, ba bua joalokaha e ka ha ho kotsi e hlalisoang ke maruo a mangata-ngata le chelete e ngata.
  - a. Ha ho bobbe ba letho 'meleng o sa apesoang, leha ho le joalo, re elelloa le ho ananela hore hona le kotsi e kholo ha motho a tsamaea a sa apara letho 'meleng. ha re e etse. Ke ntho eo re e qobang, e seng hobane e le ntho e mpe hakaalo, empa e le hobane rona re le batho re le babe. Ntho ena e lokela ho ts'oana le tabeng ea chelete.
  - b. Batho ba phelang libakeng tseo liphahlo li sa sebelisoeng, ba ea soasoa ha ba re mahareng a bona ha ho sebe. Kahoo le Bakreste bao ba lakatsang ho phela bophelo bo hlamatsehang, e ba ba re ba tla qoba sebe se tsamaisanang le bophelo ba mofuta oona, ba mpa ba soasoa.

#### Mohlala oa Sengoli:

**Ba ts'oana le banna ba balang le ho bona liaparo tsa ho sesa, empa ba bolelisaka kamoo ba sa angoeng ke 'mele eo e sa apesoang hantle. Ba bang ba bile ba etsa sa mokana e ka ba na le thahasello ea ho bona liaparo tse ncha tsa ho itlhatsoa hobane e le "litsebi tsa feshene".**

#### Beha mohlala oa hau

# BIBELE LE CHELETE

- c. **Bakreste** ba ratang bophelo ba tllhamatseho ba lokela hore ba itlhahlobe, 'me ba elelloe kamoo lerato la leruo le amang kamano la bona le Molimo ka teng.

Notes

—

## B. Jesu O ne a Utloisisa Bofokoli ba rona.

1. Jesu ha a ka ba a re chelete le maruo li mpe ka ho fetisisa. leha ho le joalo, o re rona re babe. O ne a utloisisa hore motho o na le boleng ba sebe. kahoo, O ne a utloisisa kotsi ea maruo le lerato la oona. O ile a fana ka tlhokomeliso mabapi le maruo, a ba bonts'a hore rea qobe.
  - a. Jesu o ne a tseba hore maruo le chelete e ngata li setisa batho ho tla ho Molimo.

### Ntlha ea Puisano

Sebelisa Math 19:23 ho akofisa Puisano.

- b. Re ke ke ra iphapanyetsa taba ea Jesu, e phetiloeng ha ngata ea ho rekisa ka maruo.

### Ntlha ea Puisano

Sebelisa litemana tse latelang ho akofisa puisano: Math 19:21, Mar 10:21, Luk 18:22, Luk 12:32, 33, Luk 14:33.

### Ntlha ea Puisano

Bakeng sa ho boloka tekano e nepahetseng, sebelisa Luk 14:33 le 1 Tim 5:8 ho akofisa puisano.

2. Bakreste ba ratang maruo, ba lokela ho qalella ho elelloa le ho ananela thuto ea Testamente e Ncha e bonts'ang kotsi ea maruo, le temoso ea ho a qoba.

# BIBELE LE CHELETE

## Notes

### Ntlha ea Puisano

Sebelisa Litemana tse latelang, tsa Testamente e Ncha, ho akofisa puisano mabapi le maruo: Math 13:22; Math 19:23; Luk 6:24; Luk 12:15; Luk 16:14, 15; 1 Tim 6:6-17; le Ts'en 3:14-18.

### Ntlha ea Puisano

Hape, sebelisa litemana tse latelang, tsa Testamente ea Khale, ho akofisa puisano mabapi le maruo: Liprov 30:8, 9; Liprov 18:10, 11; Moek 5:10-12; le Hos 10:1, 2.

## IV. Ts'ebeliso e nepahetseng ea Chelete le Maruo.

### A. Sepheo sa Chelete le Maruo.

1. Sepheo se fosahetseng sa chelete le maruo.
  - a. Kutloisiso e fosahetseng ea chelete le maruo ke hore, li teng bakeng sa hore li fane ka bophelo ba boiketlo le tlhamatseho bakeng sa batho mona lefats'eng.
    - 1) Hona ha ho bonahale le ha nyane bophelong ba Jesu. Kutloisiso ea mofuta oona ha e lumellane le mofuta oa bophelo boo Jesu a neng a bo phela. Jesu ha a ka iphelela (Mar 10:45). O ne a sa toloke lintho kapa maemo ho ea kamoo a ka iphumanelang boiketlo le molemo ka teng. Bophelo ba hae e ne e le bophelo ba sefapano.
    - 2) Re biletsoa ho phela bophelo bo ts'oanang le ba Jesu, bophelo ba sefapano (Math 10:38). Sefapano ha se ichebe bo sona, se supa ho ba bang.
  - b. Jack Taylor o fana ka mantsoe a matla haholo mabapi le kutloisiso e fosahetseng, e tletseng boikhabo le boichebo, ea chelete le maruo: "Ha rea pholoso bakeng sa rona. Re pholositsoe ke Eena le bakeng sa Hae. Ha rea lokela ho tlala ka Moea bakeng sa rona, empa bakeng sa Hae. Litlhohonolofatso tsa Hae ha li tle ho rona bakeng sa boithabiso le boinyakalatso ba rona, empa ke bakeng sa ho isa khanya ho Eena. Botho bo lokeloa ho fetolwa bakeng sa Bomolimo."<sup>7</sup>

# BIBELE LE CHELETE

- c. Sepheo sa tlhohonolofatso ke ho tlotlisa lebitso la Jesu. Na hoo ho bolela hore ha re na natefelo a ke tlhohonolofatso ea Molimo? Che!
- 1) Hona ho mpa ho bolela hore, ho natefelo a ha se sona **sepheo-kholo** sa tlhohonolofatso. Ho natefelo a ke **sehlahisoa** sa ts'ebeliso e nepahetseng ea tlhohonolofatso. Ha re utloisisa phapano ena, re tla ba le tekano e nepahetseng ea potso ena.
  - 2) Ha re ipatlele tlhohonolofatso bakeng sa boithabiso ba rona. re e batlela molemo oa ba bang le ho tlotlisa Molimo. Ka nako e ts'oanang, ha re hanyetse taba ea hore re tla natefelo a ke eona.
  - 3) Ho fokolloa ke tekano e nepahetseng tabeng ena, ho hlalisa tloaelo feela kapa ho se laolehe. E etsa Bakreste ba sa natefeloeng ke bophelo, kapa Bakreste ba lekhonatha, ba ichelang bo bona feela, ba se nang tumelo e tebileng, ba bileng ba sa holeng.
2. Sepheo se nepahetseng sa chelete le maruo.
- a. Chelete le maruo ha li ea fapana le lintho tse ling tsohle. Sepheo sa tsona se seholo ke ho tlotlisa Molimo. Sepheo se nepahetseng sa chelete ke hore e sebeliso e ka tsela e tlotlisang le ho supa ho Molimo.
- 1) Molimo ke 'nete. Kahoo boleng ba ntho e ngoe le e ngoe bo kaloa ho ipapisitsoe le Eena. Chelete le maruo li lokela ho supa ho Eena bakeng sa ho ba le boleng bo botle. kannete-'nete lintho tsohle li entsoe ke Eena, li tsoa ho Eena, 'me ke tsa Hae (Bak 1:16, 17; Bar 11:36).
  - 2) Boleng ba ntho e ngoe le e ngoe e kaloa ho ipapisitsoe le hore na e re tliša ho Molimo kapa che.
- b. Re lokela ho utloisisa thuto ea Bibe le ea Bohlokomeli/boalosi bo nepahetseng.
- 1) Mokreste o fumana ho tsoa ho Molimo bakeng sa **Molimo** (boalosi).
  - 2) Mokreste o amohela ho tsoa ho Molimo bakeng sa ho **fana** bakeng sa Molimo (boalosi/bolisa bo botle).

Notes

—

# BIBELE LE CHELETE

## Notes

- 3) Re ka utloisisa thuto ea bohlinka bo nepahatseng ka ho ithuta ka papiso ea litalenta (Math 25:14-30).
- a) Mohlanka ha se eena Mong'a thepa. Ena ke e ngoe ea lithuto tsa mantlha tsa Bibe. Ke thuto ea mantlha lithutong tsa bohlo ba Molimo (bala Bar 11:36; 1 Likr 29:11, 12; Lipes 24:1).
- b) Mohlanka o ts'epeloa lintho tsohle. Papiso ea litalenta e sebelisa chelete e le mohlala.
- (1) Chelete e ka ba eona ntho ea motheo maphelong a rona re le baalosi.
- (2) Haeba re le bahlokomeli/baalosi ba batle ba chelete, hoo e ka ba sesupo sa hore re ka ba bahlanka ba batle ba nako ea rona le litalenta tsa rona.
- c) Mohlanka o kolota tsohle. O lokela ho khutlisetsa tsohle ho Molimo.
- (1) Maikutlo a ho etsa hona, a lokela ho tsoaloe ke **lerato** leo a ratang Molimo ka lona, le teboho eo a nang le eona ho Molimo ka baka la ho **mots'epela** ho hlokomela tseo a li entseng.
- (2) Ho Luka 8:38, re laeloe ho fana. Lentsoe ho "fana", ha se taelo feela ea bojoale, empa ke ntho e lokelang ho tsoelapele (ke hore, hajoale le nako eohle e tla latela). Ha se taelo ea lekhetlo le le leng feela. Re laeloe ho fana nako eohle.
- (3) Ho fana ho lokela ho ba bophelo. E lokela e be sebopeho se phelang kahare ho rona.
- d) Mohlanka o etsa letsete la katiso. Ha a boloke seo a se nehiloeng feela. O sebelisa seo a se nehiloeng. Oa se atisa.
- (1) Hona ho kenyeletsa ho nka likhato tse kotsi. Mohlala, u ka nka khato e kotsi ka ho thusa motho e mong ho qala kereke, feela o sa tsebisise hantle hore na e tla atleha.
- (2) Mona re lokela ho etsa tekano e nepahetseng, le ho its'epela tataisong ea Moea o Halalelang. Ntlha ena e kenyeletsa tse'ebeliso ea bohla le tumelo.

# BIBELE LE CHELETE

- e) Mohlanka o sebeletsa batho bohle. Hantle-ntle ha se ntho e etsahetseng ka ts'ohanyetso hore e be temana e rutang ka kahlolo e hlaha hang ka mor'a papiso ea litalenta.
- (1) Lemoha tiiso e ho Math 25:31-46, mabapi le ho arolela mafutsana.
- (2) Jesu o ruta ka papiso ea litalenta ho re bonts'a hore re na le boikarabello ho seo re se amohelang ho tsoa ho Molimo.
- (3) O boetse o hokahanya taba e na le Math 25:31-46 ho bonts'a tsela eo re lokelang ho sebelisa seo re se fuoeng ke Molimo ka eona.
- (4) Ho bohlokoa ho lemoha pheta-pheto ea taba ea kahlolo ho hokahaneng ha litemana tse peli (bapisa tem. 30 le 46). Bohlanka bo bobe, bo tlisa kahlolo. Bohlanka bo bobe bo boloka le seo re se filoeng feela, mohlanka e mobe ha sebelise sebelise se a se filoeng, ha a se atise, ha a thuse ba bang ka sona.

## Ntlha ea Puisano

Sebelisa Luka 16:19-21 ho akofisa puisano mabapi le lintlha tse ts'ohliloeng.

- f) Mohlanka o tla arabella tsohle tseo a li nehiloeng. Taba ena e le ngoe e lokela ho susumetsa Bakreste ba ratang ho ipolokela maruo le bokhotho-khotho ho fetola maikutlo a bona mabapi le chalimo ea bona ea chelete le maruo.
- g) Mohlanka o putsoa ke Molimo. O hlohonolofaletsoa bots'epehi litlhohonolofatso tsa Molimo. O boetse o putsetsoa ho khahlisa le ho thabisa Mong'a hae.
- (1) Bala Luka 6:38 o ipapisitse le mefuta ena e 'meli ea meputso. Ho ea ka Luka 6:38, ke eng se tlang pele o fumana moputso?
- (2) Re lokela ho lemoha hore ho **“fana”** ke lona lentsoe la mantlha bakeng sa moalosi ea kahar'a 'Muso oa Molimo.

Notes

—

# BIBELE LE CHELETE

## Notes

### 3. Mohlanka e Mobe le sepheo sa chelete (Bala Luk 16:1-3).

- a. Hangata, batho ba bangata ha ba utloisise papiso ena. Hangata, ho buuo ka **mohlanka e mobe** e ka ke eena mophetoa oa sehlooho, hobane baruti ba Bibe le nka papiso ena e le ea ho fokolloa ke bots'epehi le 'nete.
  - 1) Leha ho le joalo, hona ha se ntlha-kholo ea papiso ena. Papiso ena ha se ea mohlanka ea fokolang. Re lokela ho lemoha hore liketso tsa hae li ile tsa rorisoa (li ile tsa thabeloa ke) ke mong'a hae (tem. 8).
  - 2) E amana le **chalimo** ea mohlanka ea (chalimo) chelete.
    - a) O ne a hlalosa chelete a ipapisitse le hore na e tla moatametsa lehlamong kapa che (tem.9), e leng ho atamela ho Molimo (lemoha moelelo o ts'oanang ho Jer22:16).
    - b) Thahasello ea hae ho Molimo e ne e sa its'etleha le thahasello ea hae cheleteng, empa thahasello ea hae cheleteng e ne e ipapisitse le thahasello ea hae ho Molimo (tem. 13).
- b. Chelete kapa **mamone**, joaloka ka eng le eng, e na le boleng ha feela e supa ho Molimo. Ntlha e suptjoang ke papiso ena, ke hore chelete, ke tsela e supang qetello, ha se qetello ka bo-eona. Mamone e fetoha mokhoa oa ho amoheloa "**meahong e sa feleng**" (tem. 9).
- c. Ho tsoa chalimong ea mohlanka, chelete e bile bohlokoa ka baka la hore e ile ea moatametsa haufi le leholimo. Ka baka leo, o ile a fumana thoriso le kananelo temaneng ea 8. Hape, Jesu o fana ka tlhahiso e akaretsang rona bohle temaneng ea 9, hore re be le chalimo kapa maikutlo a ts'oanang mabapi le chelete.
  - 1) Ho bohlokoa hore re elelloe hore, papiso ena ha e bonts'e hore re **fumana** pholoho ka maikutlo kapa chalimo e nepahetseng ea chelete.
  - 2) Empa, hona le maikutlo mabapi le chelete, a lumellanang le pholoho le li-pheo tsa eona.



# BIBELE LE CHELETE

- d. Hape, hore o tle o utloisise papiso ena hantle, u lokela ho ithuta eona o se na maikutlo a mohlanka e mobe ea ileng a fetoha e mobe ka ho fetisisa ka baka la ho hloka bots'epehi le 'nete.
- 1) Na mohlanka eo o ile a bitsoa ea sa lokang? Che. O ile a rorisoa! (tem. 8).
  - 2) O ile a rorisetsoa eng? Na papiso ee e supa hore ho nepahetse ho thetsa le ho qhekella mong'a hau?
    - a) Che! Hona ha se eona khubu ea papiso. Sepheo sa papiso ha se ho ruta hore na mohlanka o lokela ho etsa eng ka chelete.
    - b) Sepheo sa papiso ke ho bonts'a maikutlo a nepahetseng ka chelete.
- e. Ithute papiso ena mabapi le kopano eo e etsang pakeng tsa bojoale le bokamoso. Ha o ntse o ithuta, lemoha 'nete ena:
- 1) **Seo ke se etsang mona lefats'eng honajoale, se tla ama boemo ba ka ba bosafeleng kamoso.**
  - 2) **Kahoo, sohle seo ke se etsang honajoale (ho kenyeletsa le kamoo ke sebelisang chelete ea ka ka teng) se fumana boleng le sepheo ho ea ka hore na e nkatametsa boemong bo botle, ba bosafeleng ha kae.**

## Ntlha ea Puisano

Sebelisa sets'aonts'o sena ho hlalosa moelelo oa Luka 16:1-13.

TEM.	HAJOALE	BOKAMOSO
4	ke tseba seo ke tla se etsa(hajoale)	ba TLE ba nkamohela matlung a bona
9	Iketsetse metsoalle ea hau	ba tle ba o amohele meahong e sa feleng
11	Mamone o sa lokang (boleng ba nakoana)	Maruo a 'nete (boleng ba bosa feleng)
12	seo e leng sa e mong (bohlanka lefats'eng lena)	seo e leng sa hau (ho busa le Krete leholimong)

Notes

# BIBELE LE CHELETE

## Notes

- 3) Ntlha-kholo ea papiso ena ha se liketso tsa mohlanka. Ntlha-kholo ke maikutlo le sebopeho sa hae malebana le chelete.
  - a) E na le boleng mabapi le lintho tsa bosafeleng. Bohlokoa le ts'ebeliso ea eona, ha e hlalosohe ho ipapisitsoe le hajoale, nakong ena, empa ho ipapisitsoe le bosafeleng.
  - b) Kahoo, Jesu o qeteletse le ho akaretisa papiso ena ka polelo e temaneng ea. 13.
- f. Papiso ena e ka akaretsoa ka ho botsa lipotso tse peli:
  - 1) Na seo o se etsang ka chelete se its'etlehile ka Molimo le merero ea Hae?
    - a) Haeba ho joalo, o etsa hore Molimo le merero ea hae e se be le lipehelo.
    - b) Mamone e ba le pehelo ho ipapisitsoe le Molimo. hona ho bolela hore Molimo ke Eena Morena.
  - 2) Na seo o se etsang Molimo le merero ea Hae se its'etlehile ka chelete?
    - a) Haeba ho joalo, o etsa mamone e se be le lipehelo.
    - b) Molimo le merero ea hae li ba le pehelo ho ipapisitsoe le mamone. hona ho bolela hore mamone ke morena.
- g. Boela o bale papiso ena hape o se o na le likutloisiso tsena kelellong ea hau. Haholo-holo, tsepamisa mahlo haholo qetellong e temaneng ea 13.
  - 1) Lemoha moelelo oa papiso ena hantle.
  - 2) Sheba Luk 16:14 le papiso ea moruo le Lasaru ho Luk 16:19-31.

# BIBELE LE CHELETE

## 4. Sepheo sa chelete se amana le sepheo sa bophelo.

Notes

- a. Na sepheo sa ka sa ho phela lefats'eng lee ke ho phela ka boiketlo bo boholo?
  - 1) Karabelo ea ba bangata potsong ena, ke "E!" hobane ba bona bophelo bona e le sebaka sa mantlha, e le khubu ea bosafeleng.
  - 2) Maphelo a bona a tsamaisoa ke maikutlo a kang: **"bophelo bo tla ha ngoe"** kapa **"etsa bonnete ba hore motsotso ka mong bophelong bona ke oa bohlokoa ho uena."** ha ba lumele hore hona le bophelo kamor'a lefu. Ke batho ba se nang ts'epo.
    - a) Ha ho ka nqa e ngoe, ha motho a sa lumele hore hona le bophelo kamor'a lefu, ehlile o tla tlala ka ho hloka ts'epo?
    - b) Haeba ho sena letho ka mor'a lefu, ha ho le joalo sepheo sa bophelo boo ke se fe?
    - c) Kantle ho bosafeleng, batho ba tlala ka ho hloka ts'epo, hobane ha ho sena se lebeletsoeng kamoso, ts'epo e ke ke ea ba teng.
- b. Paulosi o ne a na le maikutlo le katamelo e fapaneng haholo ea bophelo. Maikutlo a hae a ne a tsepame haholo ho se tlang kamor'a bophelo bona (bala Baf 1:21).
  - 1) Maphelo a rona lefats'eng mona hajoale, ke katoloso ea bophelo ba Krete (Bag 2:20; Bag 1:21).
  - 2) Sepheo sa bophelo bona ha se bophelong bona, empa se bophelong bo tlang.
    - a) Kahoo, re ipapisitse le sepheo sa bophelo bosafeleng, ho arolela ba bang leruo la hau, e nkoa e le monyetla oa ho bonts'a le ho tseba Molimo.
    - b) Lemoha kamoo bosafeleng le chelete li hokahanyoang le Molimo ka teng ho Johan 17:3 le Jer 22:16.

# BIBELE LE CHELETE

Notes

## B. Mekhoa e meng ea Ts'ebeliso ea Chelete le Maruo.

### 1. Oa #1: Ho fana.

- a. Ho phela bophelo bo bobebe (ho ea ka litlhoko tsa hau) molemong oa ho fa batho ba hlokang ha se taba ea ho nepa kapa ea ho fosa, empa ke taba ea ho iphumanela monyetla le ho o sebelisa kapa ho lahlehela ke oona.
- b. Ha se joko e boima ho re hatella, empa ke monyetla le ketso ea kutloelo-bohloko.
- c. Bala Lik 20:35. Ke lehlohonolo ho fana ho feta ho fuoa.
  - 1) Ha motho a leka ho sireletsa bophelo ba tllhamatseho ka hore, **ke tlhohonolofatso e tsoang ho Molimo**, e ka 'na ba o bua lipolelo tsa 'nete.
  - 2) Empa, o tla lahlehela ke monyetla haeba a sa fane, hobane ke lehlohonolo ho fana ho feta ho fuoa.
  - 3) **Ho feta**, ke polelo e hokahanyang. Temana ena ha e re ho amohela ho fosahetse. 'Nete ke hore re lokela ho amohela pele re fana (sheba 1 Johan 4:19). Empa ke ntho e **ntle** haholo ho fana.
  - 4) Hape, re boetse re nahana ka taba ea monyetla le ho lahlehela ke monyetla (sheba 1 Bakr 3:12-15). Mesebetsi eohle ea rona e tla fetisoa mollong. E meng ea eona e ke ke ea tiisetse lebatama. Re tla be ntse re pholositsoe, empa re tla lahlehela (tem. 15). Tahlehelo ea eng? Re tla lahlehela ke monyetla oa ho fumana moputso (tem. 14).

### Ntlha ea Puisano

Sebelisa lintlha tse seng li ts'ohluoe mabapi le ho fana ho akofisa puisano.

# BIBELE LE CHELETE

2. Oa #2: ho ba le nako e ngata bakeng sa Molimo le Mosebetsi oa Hae.
- a. Bakreste ba bangata ba reng ha ho bothata ba letho leruong, ba sitoa ho elelloa karolo ea bohlokoa ea boemo boo.
- 1) U lula o ruile joang?
  - 2) Hangata, Bakreste ba ruileng ha ba be le nako le Molimo ka baka la lero. Ba sebetsa lihora tse 12 ka matsatsi a 6 bekeng. Ba ka 'na ba ea kerekeng Sondaha, empa hoo ke eona nako feela eo ba bang le monyetla oa ho fa Molimo nako. Ba sebetsa ka thata letsatsi ka leng.
- b. Khetho e ka ba ho phela bophelo bo bobebe, e be re batla 'Muso oa Molimo pele (sheba Math 6:33). Hlokomela hore moelelo oa temana e na ke hore Molimo o tla arabela **litlhoko** tsa rona. Ha e re Molimo o tla re etsa barui.

## Ntlha ea Puisano

Sebelisa lintlha tse ts'ohliloeng mabapi le nako ho akofisa puisano. Tsepamisa mahlo haholo tabeng ea khetho. Hape sheba Liprov 23:4; Moekl 5:10-12 le Esa 55:2.

3. Oa #3: ho phela joaloka lesole.
- a. Na ke nako ea khotso kapa ea nto? Na re ntse re phela lefats'eng le ntseng le silafetse, kapa se re phela leholimong? Na ho na le batho ba futsanehileng moo re phelang teng, kapa lefats'e le aba toka ka botlalo, 'me le aba le lits'ebeletso ka mokhoa o anelang bohle? Na re lokela ho phela bophelo ba lesole, kapa khosana? (bala 2 Tim 2:3, 4.)
- 1) Hape, taba ea lero le lithopa tse ngata, ha se taba ea ho nepa kapa ho fosa. E boetse ke taba ea ho fumana monyetla kapa ho lahlehela ke oona. Ke taba ea boikhethelo.
  - 2) Lesole le ka phela bophelo bo **bonolo**, moo a ka fumanang tsohle tseo a li batlang (e seng a li hlokang, **a li batlang**). Leha ho le joalo, hona ha ho lumellane le mosebetsi oa hae. ho ke ke ha lumellana le maikutlo a hae a hore na hobaneng e le lesole. Kahoo, o phela bophelo bo **bobebe**. O ntoeng. Ha a lokele ho lekoa ke lintho tsa lefats'e. O lokela ho "lula a itokiselitse nto."

Notes

—

# BIBELE LE CHELETE

## Notes

3) Hona ho a ts'oana bakeng sa Bakreste. Paulosi o buile ka menyetla ho 2 Tim 2. Joaloka masole/bahlabani, Paulosi o re re tiisetse mats'oenyehong joaloka eena. Hobaneng? Ka baka la monyetla. **Monyetla ke hore o khahlisa ea moentseng lesole.**

a) Monyetla oa ho phela bophelo bo bobebe, ke hore re tle re tsebe ho fa ba hlokang. Hona ho tlotlisa le ho khahlisa Molimo.

b) Ho phela bophelo bo bobebe ho bolela hore re ka ba le nako e ngata le ts'ekamelole e kholo lintho tsa 'Musoa oa Molimo. re ka ba le nako e ngata bakeng sa Molimo, ra ba le nako e ngata le Molimo. Hona ho khahlisa Molimo.

c) Ho phela bophelo bo bobebe, ho bolela hore **ha re sitisoe** ke letho la lefats'e ho phela ho ea ka litaba tsa 'Musoa oa Molimo. Re ikhula litekong tsa lefats'e lena tsa leruo.

### Ntlha ea Puisano

Sebelisa lintlha tse fetileng ho akofisa puisano.

d) Ha re lelekise **ho phela mats'oenyehong**. Empa re lelekisa **monyetla** oa ho phela mats'oenyehong.

4) Ha re phele maphelo a bobebe hobane mohlomong e le bophelo bo hlomang e ka bohloekile, 'me bo ikemetse. Hona ke phokollo ea kutloisiso. Re phela bophelo bo bobebe ka baka la menyetla le melemo e kenelletseng ho bona.

### Ntlha ea Puisano

Ntlha e sa tsoa ts'ohloa e bohlokoa haholo hore e ka hla ea ts'ets'ethoa haholo sehlopheng. E na le lintlha tse ngata le meeelo e mengata e amanang le thuto ea rona karolong ena. Tebang haholo ka eona

# BIBELE LE CHELETE

5) ho utloisisa ntlha ena, ho lupa hore Bakreste ha ba lokela ho ba botsoa, e be ha ba hlahise letho. Bakreste ba phelang bophelo bo bobebe, ba utloisisang moelelo oa bophelo bo bobebe, ba lokela ho ba bahlahisi ba baholo lefats'eng.

a) Ke batho ba nang le tlhahiso e kholo ts'ebetsong le mesebetsi ea bona ka baka la sepheo sa ho fihlela ba bang (e seng ho its'ebeletsa le ho icheba bo bona feela), le ho fa ba bang (Bae 4:28).

b) Ba etsa tlhahiso e kholo **le** Molimo, hape **bakeng sa** Molimo kaha ba nka nako e ngata ba shebane le lintho tsa 'Muso.

c) Ba etsa tlhahiso e kholo bophelong kaha ba sa thibeloe le ho nyahamisoa ke lintho le liteko tsa lefats'e lena.

b. Ho qetela karolo ena, sheba lipolelo tsa Jack Taylor ha a buoa ka bophelo mabapi le 2 Tim 2:3, 4:

“Lefats'eng ka bophara, ha ho mohlala oa boleng ba morero oa Molimo ka moruo ho feta Bothong ba Krete. Jesu o ne a le ts'ebetsong mona! o ne a sa sitisoe kapa ho ferekangoa ke letho. Sefahleho sa hae se ne se shebile feela moo a eang, a sa hetle morao. Le rona re lokela ho ba joalo. Ha o ikemiselitse ho ba ho Jesu, seo a neng a le sona ho Ntate, Jesu o batla ho ba sona ho uena, ka tsela eo Ntate a neng a le eona ho Eena.”<sup>8</sup>

## V. Liakofisi le Lits'usumetsi tsa Maruo.

### A. Bohlale ba lefats'e.

1. Ha ba sa elelloe, Bakreste ba ka 'na ba iphumana ba thetsitsoe le ho latela bohlale ba lefats'e.

a. Mohlala, bohlale ba lefats'e bo re ho lokile ho boloka chelete e ngata kamoo o ka khonang.

1) Joalokaha ho tsebahala ebile ho tloaelhile, bohlaleng ba lefats'e, ho na le 'netenyana. Ebile boemong bo itseng, hona le Bohlale ba Bible kahar'a ntlha ena.

Notes

—

# BIBELE LE CHELETE

## Notes

- 2) Sheba Liprov 6:6-8, e re mohloanyane o bohlae hobane o a sela-sela e be o bokella le ho ipolokela seo o se fumaneng.
  - a) Leha ho le joalo, taba-kholo ea Liprovebia, ha se hore ke bohlae ho ipolokela le ho ipokellela. Taba-kholo ke hore ha se bohlae ho ba botsoa.
  - b) Ho feta moo, ho boloka ho khothaletsoang ke Liprovebia, ha se ho boloka feela hore e tle be ho bolokiloe. Hona le sepheo. Hantle-ntle, sepheo ke sa nakoana. Ha se “boikhabo le boichebo feela” (ho boloka o ichebile bo- uena o sena tsotello ho ba bang). Ho bohlokoa ho boloka.
- b. Ka bomalimabe, karolo e kholo ea bohlae ba lefats’e, e fosahetse ebile bo sebelisoa ka tsela e fosahetseng.
  - 1) Lefats’e le sebelisa pokello ea “bohlae” bona ho susumetsa lintho tse peli:
    - a) Tloaelo ea ho ipolokela le ho ipokellela lintho tsohle tseo o li fumanang.
    - b) Tloaelo ea ho ts’epa lipolokelong tsa hau ho ena le ho ts’epa Molimo. Poloko le pokello ea “bohlae” ba ‘nete, ha e amane ka tsela e fe le e fe le ts’ireletso eo o e utloang ka baka la chelete e seng Molimo. Na hoo ke bohlae ba **Bibele**?

### Ntlha ea Puisano

Sebelisa mangolo a latelang ho akofisa puisano:

2 Bakr 9 (tsepama temaneng ea 8); Bag 6:7-10; Bah 13:16; Lik 2:45; le Bae 4:28. Litemana tsee li reng mabapi le ketso, bohlae, le merero ea ho ipolokela chelete eohle ea hau?

- 2) Hape, litemaneng tsena, ha ho le e ngoe e reng ke phoso ho boloka, empa li supa hore ke ntho e nepahetseng ho fana. Re lokela re bue hape ka menyetla. Re bolokolohing le boemong ba ho fana haholo ha re sa boloke letho.

### Ntlha ea Puisano

Sebelisa mangolo a latelang ho akofisa puisano: Math:

Math 6:19; 1 Tim 6:18, 19; Jak 5:1-3; le Luk 12:16-21.



# BIBELE LE CHELETE

2. Bohlale ba lefats'e ha bo supise batho ho Molimo. Hona ke bothata.

- a. Bohlale ba lefats'e bo re bolella ho ipokella ka tsohle le ho ipolokela ka hohle kamoo re ka khonang, 'me hona ha ho ipapise le bohlale ba 'nete. Ho ipapisitse le takatso ea ho ts'epa chelete ho feta Molimo. Ho ipapisitse le ts'abo ea ho hlaha e ka o sethoto kapa ha o moo o ka nkang teng.
- b. Leha ho le joalo, haeba re itukiselitse boemo bo bong le bo bong, re se re sena litlhoko ho hang, hoo ke sesupo sa hore ha re sa hloka Molimo. Ha re sa hloka ho ba le tumelo. Hona ke moelelo oa bohlale ba lefats'e. Bo hanana le tumelo, 'me bo khetha ho ipatlela ts'ireletseho ea bohata ho ena le ho fumana ts'ireletseho ea 'nete e tlišoang ke ho ts'epa Molimo.

Notes

—

## B. Maikutlo a rona tabeng ea Boshome.

1. Seakofisi se seng sa leruo, haholo tikolohong e ruileng, ke ho fokola ha kutloisiso ea rona ka Boshome.
  - a. Leha boshome e le mokhoa o motle oa ho qala ho fana, hona ho ka qetella ho beha batho tlasa khatello le molao, e be e etsa batho ba sa batleng ho fana haholo ho feta karolo ea leshome.
  - b. Boshome e ne e le sekepele se tlaase-tlaase se neng se fanoe molaong. Kahoo, Kereke le eona e tsoela-pele ho boloka karolo ea leshome.
  - c. Leha ho le joalo, Testamente e Ncha e fana ka bopaki bo bonyane haholo tabeng ea ho tsoelapele ka ho nts'a karolo ea leshome. E tiisa haholo taba ea ho fana haholo ho feta karolo ea leshome.
    - 1) Kaha re le batho ba Testamente e Ncha, ha re sa le **tlasa** molao. Hona ha ho bolele hore ha re sa lokela ho boloka molao, empa ho bolela hore kajeno re ka khona ho boloka molao.
    - 2) Ho bolela hore se re ka khona ho phela **kaholimo** ho molao. E! Ho bolela hore re ka khona ho fana ho feta karolo ea leshome, e leng sekepele se tlaase-tlaase.

# BIBELE LE CHELETE

Notes

—

2. Boshome bo sa emang nqa e le ngoe.

## Ntlha ea Puisano

Sebelisa lipotso tse latelang ho akofsia puisano.

Na litlhoko tsa rona li ea fetoha ha re hlohonolofalitsoe ka chelete e ngata? Na ke molao oa Bibe le hore ha re fumana chelete e ngata re sebelise chelete e ngata? Na sekepele sa rona sa ho fana se lokela ho ema nqa e le ngoe le ha re ntse re fumana keketseho ea chelete? Na sekepele sa rona se lokela ho fetoha ha re se re fumana chelete e ngata ho feta pele, tje kaha litlhoko tsa rona li tse li ts'oana?

- a. Re lokela ho elelloa hore litlhoko tsa rona li bonts'a karolo e ts'oanang ea boemo ba moruo oa rona, kahoo ho fana ha rona ho ka feto-fetoha.
- b. Ha litlhoko tsa rona li hlalositsoe ebile li hlakile (re ntse re lumella phetohonyana ea boemo kapa sehla), hona ho bolela re ka eketsa seo re **se fanang**, ho ena le ho eketsa seo re **se bolokang**!

## Ntlha ea Puisano

Sebelisa maemo a latelang ho supa le ho bonts'a mohlala oa ntlha e ka holimo.

# BIBELE LE CHELETE

## **Mohlala oa Sengoli:**

Monna e mong o kile a elelloa hore litlhoko tsa hae tsa mantlha li 'matla 100, 'me mosebetsing o ne a khola 100 feela. Boemong bona ho tla ba thata haholo ho nts'a boshome.

Leha ho le joalo, haeba a nts'a boshome ba 10, a phela ka tumelo, Molimo o tla mohlohonolofatsa le ho moatlehisa (Mal 3:10; Luk 6:38). Hamorao, monna enoa o fumana 150 e le moputso. Na litlhoko tsa hae tsa mantlha li tla fetoha feela ka baka la hore o se a fumane keketseho ea chelete? Che!

Kahoo, a ka fana ka 50 cheleteng eo ea hae, kaha litlhoko tsa hae li ntse li lekana 100. Lemoha hore seo a ka se fanang ke karolo e ka feto-fetohang. Empa litlhoko tsa hae tsona ha li fetohi. Pele o ne a fana ka 10% (karolo ea leshome). Hajoale o sa ka khona ho fana ka 33% ho tsoa moputsong oa hae.

O khona ho etsa hona hobane ha se le khoba la karolo ea leshome feela. ha a sebelise karolo ea leshome e le boits'ireletso ba ho se fane haholoanyane ho ea kamoo a ka khonang. O utloisisa taba ea pheto-phetoho ea boshome, ho ena le ho ema nqa e le ngoe.

Haeba a ne a sa ananele taba ea pheto-phetoho ea boshome, a ka be a tla fana feela ka 15 e le karolo ea leshome. O ne a tla salloa ke 135. Empa litlhoko tsa hae tsona li ntse li eme ho 100.

Ho no tla etsahalang ka 35? Karabelo ea potso eena ke eona mohloli oa ipokellela leruo. Hang u tla elelloa hore se re "hloka" lintho tse ling. Hanyane ka hanyane, bophelo ba rona bo ba le litlhoko tse ngata hoo re qetellang re batla ho phela bophelo ba tshamatseho le ba boiketlo, ho fihlela re kula, re ts'oaroa ke boloetse bo bitsoang lerato la leruo le takatso ea ho ipokellela tsohle tseo re li fumanang.

Mokreste e mong le e mong o lokela ho ipotsa lipotso tse matla. Na ha re ithetse ka maikutlo a rona? Na re ipolella 'nete tje?

Notes

—

# BIBELE LE CHELETE

Notes

## Ntlha ea Puisano

Sebelisa mohlala o ka tlaase ho etsa mohlala o mong o hlakisang ntlha ena.

Tataiso ea mohlala:

“x” le “y” ke linomoro tse feto-fetohang.

### Boemo #1: Ntlha ea “boshome” bo sa fetoheng:

“x” = chelete e amoheloang

“y” = chelete e sebelisoang (Litlhoko)

10%x = chelete e neheloang (boshome bo sa fetoheng)

$$x = y + 10\% (x)$$

boemong bona ha “x” e ka fetoha, hoo ho supa hore “y” e lokela ho fetoha.

Hona bolela hore, ha chelete e kenang e eketseha, chelete e sebelisoang e lokela ho eketseha(kapa ho bolokoa.)

### Boemo #2: “Boshome” bo fetohang:

“x” = chelete e amoheloang

“y” = karolo ea chelete e fanoang

“100” = chelete e sebelisoang (litlhoko tse sa fetoheng)

$$x = 100 + y\% (x)$$

Boemong bona, haeba “x” e fetoha, le “y” e lokela ho fetoha. Hona ho bolela hore ha chelete e kenang e eketseha, karolo ea chelete e fanoang e tla eketseha.

Beha lipalo tse fapaneng bakeng sa “x.” lemoha kamoo “y” e fetohang ka teng.

# BIBELE LE CHELETE

- c. Ho phethela thuto ea rona tabeng ea karolo ea leshome, ha re shebeng kamoo John Wesley (pula-maliboho ea Methodist) a utloisisang taba eo re e bitsang “boshome bo fetohang.”

1) Wesley o ne a lumela a bile a sebelisa kutloisiso ea hore, ho eketseha ha chelete e kenang, ho lokela ho eketsa seo “a se fanang” e seng ho eketsa mokhoa oa ho phela. Wesley o phetse ka tsela ena. Litlhoko tsa hae ha li ea ka ba tsa fetoha. O ne a phela bophelo bo bobebe a fana ka sohle se bang se fetisa litlhoko tsa hae.

2) Re lokela ho iqholotsa ka lipolelo tsena tsa Wesley, tseo a ileng a li kenyeletsa therong ea neng a e etsa, e bitsoang “Ts’ebeliso ea Chelete”:

“Litsela tseo Molimo a re fileng tsona, tse amang lintho tseo re phelang ka tsona, li ka ba tjena. Ea pele, hlokomela litlhoko tsa hau tsa mantlha: lijo, liaparo, eng kapa eng eo tlholeho e e batlang bakeng sa ho boloka ‘mele o matlafetse ebile o ntlafetse. Ea bobeli, arabela litlhoko tsena tsa mantlha bakeng sa mofumahali le bana, basebetsi ba hau, kapa mang le mang eo e leng karolo ea ntlo ea hau. Haeba hona ho entsoe, eba ho ntse ho na le ho setseng, fa ba bang ba ntlho ea tumelo. Haeba ho ntse ho na le ho setseng, etsa batho bohle hantle. Ka ho etsa hoo, o fana haholo kamoo o ka khonang. Hantle-ntle, u fana ka sohle seo o nang le sona. Hobane sohle se fanoang ka tsela ena se fuoa Molimo ka sebele sa Hae.”<sup>9</sup>

Notes

—

## C. Thuto ea Boiketlo le ho phela o se na tlhoko (katleho e sa lekangoeng)

1. Seakofisi se seholo sa lerato la leruo le boipokellelo ba lona, ke thuto e tsejoang haholo ke baruti ba matsatsi ana ea “boiketlo le katleho e fetisisang.” Ho phela o se na tlhoko.
  - a. Thuto ea boiketlo, e fana ka maikutlo a hore Bakreste ba lokela ho rua haholo-holo.
  - b. Ke thuto e reretsoeng ho sireletsa maikutlo le litakatso tsa rona tsa botho. Ho a makatsa hoba Paulosi o hlile a bolela hore hona ho tla etsahala!

### Ntlha ea Puisano

Sebelisa 2 Tim 4:3 ho akofisa puisano tabeng ena.

# BIBELE LE CHELETE

## Notes

2. Thuto ena e sotha BibeLe. E thehiloe holima botoloki bo fosahetseng ba BibeLe, 'me e tletse ka ho se utloisise hohle.
  - a. Tse ling tsa lintlha tsa mantlha thutong ena, ke hore maruo a ea ts'ireletsoa, kaha re le bana ba "Molimo, Morena."
  - b. Hona le mathata a mabeli ka boits'ireletso bona bo fuoang thuto ena:
    - 1) Maruo a "bana bao e leng marena" ha a lumnellane le 'Muso oa Morena! (bala Bar 14:17).
    - (2) Thuto ena e leka ho hokahanya 'Muso oa Molimo le ho ba le chelete e ngata le maruo a mangata. Leha ho joalo, Jesu o buoa ka tsela e fapaneng. O hokahanya 'Muso oa Molimo le ho fana kapa ho arolelana ka chelete le maruo (bala Luk 12:32, 33).
3. Thuto ena ea boiketlo bo fetisisang, ke seakofisi sa boipokello ba maruo, ebile e etsa Bakreste ba ts'abang ho hloka.
  - a. Thuto ena e re Bakreste ba thoko le thato ea Molimo haeba ba na le tlhoko. E re haeba u na le tlhoko, hoo ke sesupo sa hore o fokolloa ke tumelo.
    - 1) Bakreste ba ts'aba ho ba le litlhoko.
    - 2) Ba arabela thuto ena ka ho ipokellela le ho ipolokela chelete le maruo e le mokhoa oa ho ba le "ts'ireletseho ea ho loka" (ba bolelloa hore haeba ba na le litlhoko, ha ba a loka).

# BIBELE LE CHELETE

b. Thuto ena hangata e sotha kutloisiso ea bophelo ba tumelo le tlhoko.

Notes

—

1) E re tlhoko e kenyeletsa *feela* ho hloka litlhoko. Ke ntho e sa utloahaleng ena, ha se hoo feela, ebile ha se thuto ea Bibe.

a) Molimo o fana hobane ho na le litlhoko. Ho lokela ho be le tlhoko pele ho ba le bofani (pele Molimo a fana).

b) Temana e qotsoang hangata ea Baf 4:19, e supa hore hona le tlhoko. Ka nako e ngoe, Mokreste o lokela a be le tlhoko hore Molimo a tle a arabele tlhoko eo. Re ka re, litlhoko li hlokahala li be teng.

(1) Mokhoa o mong o akaretsang oa ho bonts'a taba, ke hore, tlhoko moo ho sa kang ha ba le nto, ha se tlhoko ho hang.

(2) Boteng ba tlhoko bo supa boteng ba nto.

c) Thuto ena, hangata e hanyetsa lithuto tsena tsa mantlha tsa Bibe. E akofisa pokello le lareto la leruo, 'me e thibela thello ea ho fana ha Molimo (joalokaha "khano ea tlhoko" le "takatso ea ho ipolokela" kamehla e etsa).

2) Ha re shebisisa se boleloang ho Baf 4:19, re tla ithuta haholo hore e nyallana le temana e ngoe e qotsoang haholo (4:13). Ho Baf 4:13, ha Paulosi a re a ka etsa tsohle ka Krete ea mofang matla, o bua hona a ipapisitse le **mats'oenyeho a hlalisoang ke tlhoko** (tem. 12).

a) Paulosi o utloisisa hore Molimo a ka arabela litlhoko tsa hae.

b) Empa, hoo ha ho bolele hore Paulosi o ne a so be le litlhoko ho hang. Ho boleloa hore Molimo o tla motlatsa ka matla ho phela boemong bo fe kapa bo fe ha a ntse a bolela Evangeli.

# BIBELE LE CHELETE

## Notes

### Ntlha ea Puisano

Sebelisa Baf 4:10-19 le litemana tse latelang ho akofisa puisano:

1 Bakr 4:9-13; 2 Bakr 6:3-5; le 2 Bakr 11:27.

Na Paulosi o ne a fokolloa ke tumelo? Na o ne a sa loka? **Ho ea ka thuto** ea boiketlo bo fetisisang, karabelo potsong tsena ke “E.”

c) Ts’ekamelo ea thuto ea Bakreste ba bophirimela, e hlalosang kamoo Bakreste ba lokelang ho ba barui ka teng, e bonts’a ho hloka kholo ha Kereke ea bophirimela. Ke kereke e fokolang e se nang metso e tebileng ho lekana.

d) Mohlomong ho ka ba molemo ho holisa moea oa Habakuke. (bala Hab 3:17, 18).

(1) Na u ka bua lipolelo tsee ho tsoa pelong ea hau?

(2) Thuto ena ea boiketlo e nyelisa lipolelo tsena.

4. Thuto ea boiketlo e akofisa le ho susumetsa ho ipokella ha maruo ka ho sotha meelelo ea Mangolo.

a. E bua ka “ho fa Molimo, e le hore o tle o amohele ka keketseho ho tsoa ho Molimo.” e shebana haholo le **botho, haholo ‘bo-‘na’**.

b. Bible eona e bua ka “ho amohela tlhohonolofatso, e le hore o tle o fe Molimo haholo.” E bonts’a haholo lintho tse supang ho Molimo le ho fa ba bang.

### Ntlha ea Puisano

Sebelisa sets’oants’o sena ho akofisa puisano.

	MOLAO	TSELA
THUTO EA BIBELE	AMOHELA HO FANA	BA BANG
THUTO EA BOIKETLO	FANA HO AMOHELA	‘NA



# BIBELE LE CHELETE

## VI. Tekano le Kabo ea Lisebelisoa.

Notes

—

### A. Biblele le Tekano.

1. Motheo oa Tekano Testamenteng ea Khale.
  - a. Molao oa Testamente ea Khale, o ne o le khahlanong le sekheo se seholo se pakeng tsa barui le bafutsana se teng lefats'eng, linaheng tse ling kajeno, joaloka Argentina, Brazil, le United States (bakeng sa litlhakiso tse ling le lipalo-palo, bala Time magazine o hatisitsoeng ka 6/11/1989, o bale sehlooho se bitsoang “**A Chasm of Misery**”).
  - b. Ho Eks 21-23, Molimo o fane ka litaeo ho Israele. E mengata ea melao ena, e ne e kenyeletsa ho phela ka tekano khar'a sechaba sa Molimo.
    - 1) Ho lefisa ka phaello ho ne ho haneloa. (Eks 22:25).
    - 2) Ho bea seaparo se nkiloeng paneng kapa ho se etsa tebeletso, ho ne ho sa khothaletsoe (Eks 22:26).
    - 3) Tjotjo e ne e hanetsoe (Eks 23:8).
    - 4) Selemong se seng le se seng sa bosupa, makhoba a ne a lokolloa (Eks 21:2).
  - c. Hape, hona le Mangolo a mang a Testamente ea Khale a ts'ehetsang tekano.
    - 1) Selemo sa bosupa (sheba Deotr 15:7-11).
    - 2) Selemo sa Jubile (bala Lev 25). Moelelo oa temana ea 10 ke o fe? Li-pheo tsa selemo sa Jubile li amana joang le tekano?
    - 3) Ho ajoa ha naha (sheba Num 26:52-56).

#### **Ntlha ea Puisano**

Sebelisa Mangolo ana ho akofisa puisano. Pes 9:9, 10, 13-18; 72:1, 2; 82:1-4; 86:1, 2, 7; 132:15; 146:5-9; Esa 1:12-17; 3:13-15; 58:6-9; Jer 22:13-17; Amos 2:6, 7; 5:21-24; Mikiea 2:1, 2; 3:1-3; le Hosea 10:12, 13.

# BIBELE LE CHELETE

## Notes

### 2. Nts'etso-pele ea tekano Testamenteng e Ncha.

- a. Bala Liketso 2:44,45 le 4:32-37. Lemoha kamoo tekano e bonts'itsoeng ka teng mahareng a secheba sa Molimo.
  - 1) Ho fana le ho arolelana, e ne e le ketso ea boithaopo (Lik 5:4). Ha re buoa ka tekano ea Bokreste, ha re bue ka kopanelo le phelisano e se nang metso kapa bokomonisi.
  - 2) Moea oa karolelano e ne e le tholoana ea bongoe ba 'nete bo tebileng le kopano e tiileng, ea 'nete (Lik 4:32).
  - 3) E ile ea etsa hore litlhoko tsa bohle li fihleloe (Lik 4:34).
- b. Bala 2 Bakr 8:1-15. Nka nako ea ho sheba lintlha tse litemaneng tsa 12-15.

### B. Bibe le ho ajoa ha Lisebelisoa.

- 1. Zimbabwe, Bakreste ba bina pina e kenyeletsang mantsoe ana, **Lerato ha se lerato ho fihlela o le fana**. Jack Taylor o lumela hore ntho ena le leruong ke ntho e ts'oanang. Sheba mantsoe a hae:

“Boleng ba ‘nete ba leruo, ke hore ha lea lokela ho bolokoa. haeba le bolokoa, ha le na molemo, kahoo, ha le na thuso.”<sup>10</sup>

- a. Kannete-nete, ke boleng ba Molimo ho fana ka seo e leng sa Hae (bala Johan 3:16).
- b. Re ka re Jesu e ne e le leruo la Molimo, ‘me o ile a abeloa le ho neheloa bakeng sa batho bohle (2 Bakr 8:9).
  - 1) Ntlha ea ho abela ba bang, e bonoa melaong ea tlholeho. Tlholeho e fana le ho abelana ka tseo e nang le tsona.
    - a) Letsatsi le fana ka khanya.
    - b) Lifate li fana ka oxygen (moea oo batho ba o hemang).

# BIBELE LE CHELETE

- 2) boleng le tlholeho e ileng ea fetoloa le ho silafatsoa ke sebe, e rata ho ipolokela le ho ipokellela.
- a) Ho netefalitsoe ke science hore, lefats'eng ha ho khaello.
- b) Batho ba mpa ba tletse ka meharo le boikhabo.
2. Molimo o batlana le baabi ba litlhohonolofatso (2 Likr 16:9). Ha a batle ho etsa letsete la chelete la lilemo-lemo (ke tloaelo ea batho). O batla ho fanoa. O batla ho aba chelete ea hae, a e abele bahlokang. Na u ts'oarella seo o nang le sona kapa o abela ba bang? Ha o ka arolela ba bang, hoo ke sesupo sa hore Molimo o fumane polokelo eo a ka e ts'epang. O tla lula a ts'ela kahar'a polokelo eo (ka ho uena haeba o fana) (bala 2 Bakr 9:8).
- a. Jack Taylor o bua tjena:
- “Ke kholisehile hore Molimo o tla lula a re fa le ho re ts'epela ho ba karolo ea selikalikoe sa ba motlotlisang, le ho fihlela ba lahlehileng.”<sup>11</sup>
- b. Molimo o batla ho aba litlhohonolofatso. O batlana le mafiso lefats'eng, a nang le menyako e 'meli.
- 1) Monyako oa pele ke oa tumelo. O sebelisoa bakeng sa ho kena ha litlhohonolofatso.
- 2) Oa bobeli ke oa kutloelo-bohloko. O sebelisoa ho fetisetsa litlhohonolofatso ho ba bang.
- c. E, Molimo o batlana le bahlanka ba khabane, ba tla sebelisa, ba atise le ho aba litlhohonolofatso tsa hae.
- 1) Ba lokela ho ts'epahala (1 Bakr 4:2). Ba lokela ho ts'epahalla ho fana e seng ho ipolokela.
- 2) Ho Luka 12: 48, Molimo o re fa tlhokomeliso e matla haholo. Bala le ho bua ka ntlha e fumanoang mona e mabapi le kabo le ho fanoa ha litlhohonolofatso.
- d. Re lokela ho lemoha hore haeba re ipolokela litlhohonolofatso, re le lekhonatha ho fana ka tsona, re thibela litlhohonolofatso tsa Molimo le morero oa hae oa hore li ajoe. Hona ho hlahisetsa ba bang mats'oenyeho.

Notes

—

# BIBELE LE CHELETE

Notes

—

## VII. Ho fana.

### A. Polelo ea Bohlokoahali Thutong ena.

1. Lintho tse ngata tseo re li ts'ohlileng thutong ena li ka akaretsoa ka lentsoe le le leng: “fana.”
2. Ho fana ke ntlha-mantlha.
  - a. Molimo ke **lerato**. **Ho fana** ke ketso le moelelo oa lerato (sheba Johan 3:16).
  - b. Hona le bophelo ho faneng hobane ha o fana, o fihlella pelo ea Molimo.

#### Mohlala oa Sengoli:

Ralimilione oa America ea bitsoang Rockefeller, o ne a shoa butle-butle, lefu le bohloko. Ho ne ho se ts'epo ea hore ho ka ba le moriana o ka mothusang. Eaba o qala ho fana ka chelete ea hae. O ile a fola ka mokhoa o mohlolo, 'me a utloisisa hore pholiso ea hae e amana le ho fana.

#### Beha mohlala oa hau

- c. Motho ea hlokang tsoseletso bophelong ba hae, o lokela ho qala pele ka ho fana. Ho thoe ho fana ke tsela e khuts'oane ho ea khanyeng. E, ruri re bolelloa ho fana ka lipelo tse thabileng. Haeba o fana kannete, hoo u tla ho etsa ka thabo, 'me u tla lula o nyakalletse kamehla.

# BIBELE LE CHELETE

## Mohlala oa Sengoli:

Ke hopola lekhetlo la pele ha ke qala ho ba le temoho ea 'nete ena. Re ne re qeta ho reka lijo bakeng sa lelapa le leng, le neng le tsoa Poland, le neng le phela United States. Monna oa lelapa leo o ne a sitoa ho fumana mosebetsi, 'me ho ne ho le thata ho fepa lelapa la hae. Re ile ra rera ho ba rekela lijo, ra beha lebokoso la lithepa tseo monyako oa ntlho ea bona ka lekunutu. Ha re feta pel'a fenstere, ra bona 'm'e oa lelapa a ntse a rapela ka phaposing ea bona ea ho robala. Morali oa hae a moholo le eena o ne a rapela, empa bana ba babeli ba banyane bona ba ne ba ntse ba lla.

Re ile ra beha lijo monyako, ra kokota, ra nto baleha. Ha re ntse re shebile monyako re ipatile kamor'a sefate, mosali eo o ile a bula lemati. Hang ha a bona lijo tseo a qala ho rorisa Molimo ka lentsoe le phefa. Bana ba ile ba tsoela kantle ba ntse ba apere Lipajama ba qala ho bina ka thabo. Bosung boo ba ile ba tlatsa limpa tsa bona, ha rona re ne re tletse ka thabo e khaphatschang. Re ile ra thaba hoo ekang lentsoe tsoseletso ha le khone ho hlalosa hantle seo re neng re se utloa. Hona ke bonnete, monyetla le monate oa ho fana.

## Beha mohlala oa hau

Notes

# BIBELE LE CHELETE

Notes —

## B. Re amohela ho fana.

1. Bibeke ke buka e lumellanang, e ts'oanang ka kakaretso. Kamehla ha ho na le taelo, ho ba le ts'episo. Ka mantsoe a mang, moo ho bang le taelo teng, hona le monyetla. Hape, hohle moo ho nang le ts'episo, hona le taelo. Ka mantsoe a mang, moo ho nang le monyetla, hona le taelo.
  - a. Taba ea pele ke hore, re lokela ho lemoha hore, re lokela ho amohela ho Molimo pele re khutlisetsa ho Eena. Kahare ho rona, ha re na letho (Johan 15:5; 1 Bakr 4:7; 1 Johan 4:19).
    - 1) Ho ts'oana le moshanyana ea lilemo li hlano ea batlang ho fa ntat'ae mpho ea Keresemese. Ha a na chelete ea ho reka mpho, e be o kopa ntata'e ho mofa chelete. E be o rekela ntat'ae mpho ka chelete e tsoang ho ntata'e.
    - 2) Re ts'oana le ngoana ea lilemo li hlano. Re lokela ho fa Molimo seo e seng e ntse e le sa Hae.
  - b. Ka nako e ts'oanang, re lokela ho elelloa hore lebaka le leng la ho fuoa ke Molimo, ke hore re fe le ho hlomella ba bang (Bae 4:11; Gen 12:1-3). Hoo ke hore, re amohela hore re tsebe ho fa ba bang. Ha rea lokela ho fana hore re tsebe ho fumana. Ke 'nete hore ha re fana e hlile re tla amohela ho feta (Luk 6:38). Empa, sepheo e ntse e le ho fana. Ke ho fana ka ho fetisisa.
    - 1) Haeba re ka phethela selikalikoe sena ka maikutlo a matle, re tla ateloa haholo hore re tsebe ho fana haholo. Molimo ha a felloe. Lemoha hore litemaneng tse buoang ka ho fana 2 Bakr 8-9, taba ea ho ateloa haholo e phetoa bonyane makhetlo a 10 (8:2, 7, 14, 20; 9:8, 12).
    - 2) Bala 2 Bakr 9:7, 8. Lemoha selikalikoe se qalang ha re fana:

FANA KA THABO \_\_\_\_\_ MOHAU OOHLE \_\_\_\_\_ O TLA LE \_\_\_\_\_ ATELA \_\_\_\_\_ E LE HORE \_\_\_\_\_  
\_\_\_\_\_ BAKENG SA MOSEBETSI OOHLE O MOTLE \_\_\_\_\_ O TLA LE ATELA \_\_\_\_\_ HORE LE SE HLOKE LETHO \_\_\_\_\_

- a) Kannete, rea bolelloa hore ba fanang ba tla fuoa (Luk 6:38). Potso ke hore na hobaneng re fuoa/amohela. Karabelo e fanoe ka ho hlaka ho 2 Bakr 9:7,8. Re fuoa kamor'a hore re fane, e le hore re tle re fane haholo.
- b) Ruri-ruri, nako eo re amohelang ka rona, ke nako eo re lokela ho fana ka eona (Luk 12:48).

# BIBELE LE CHELETE

2. hona le thuto ea boiketlo eo e leng ea Bibe. Leha ho le joalo, e fapane haholo le thuto ea boiketlo ea matsatsi ana.

Notes

—

a. Tsepamo ea Bibe ke hore “ke amohela hore ke tsebe ho fana.”

b. Maikutlo a balumeli ba sa holeng ke hore “Ke fana hore ke tsebe ho amohela/ho fuoa.”

1) Thuto ea boiketlo, ka nepo, e ea utloisisa hore Molimo a ke ke a felloa ke tseo a ka fanang ka tsona. E boetse e utloisisa hore Molimo o batla ho fana a sa khanane ho bana ba Hae.

2) Empa phoso e thutong ena ea boiketlo e fumanoa karabelong ea potso ena: Hobaneng?

a) Hobaneng Molimo a fana?

(1) Hobane o batla ho aba bongata ba maruo a Hae, a arabele litlhoko tsa batho ba bang.

(2) Hore a etse hona, o hloka batho ba ts’epahalang. Hore a tle a re hlohonolofatse. Empa e se hore re phele bophelo bo hlamatsehang, bo sa tsotelleng ba bang, bo mpang re icheba bo-rona feela. o re hlohonolofalets a hore re be tlhohonolofatso ho ba bang (Gen 12:1-3; Pes67).

b) Hobaneng re amohelang?

(1) Re amohela hore ke tsebe ho fana. Hona ke monyetla ruri. Monyetla o motle ruri. Ke amohela hore ke tsebe fana. Ha ke amohela hore ke tsebe ho senya. Ha ke amohela molemong oa ka.

(2) Evangeli e buoa haholo ka “**ba bang.**” Ha e shebane haholo le “**Na.**” Ke evangeli ea sefapano sa Jesu Krete. Ke Evangeli ea Lerato la Molimo leo a le bonts’itseng ka hore a **fane** ka mor’a Hae a le mong feela. O fane ka sohle!

3) Bothata ba thuto ea mehleng ena ea boiketlo, ha e lumellane le khothaletso ea ho fana o sa lebella letho.

# BIBELE LE CHELETE

## Notes

- 4) Phoso ea thuto ea boiketlo ke hore, sepheo sa ho fana, ke hore o tle o amohela bakeng sa hau. Nka lebella ho khutlisetsoa ho faneng ha ka ha feela sepheo sa ka ke ho amohela hore ke tsebe ho fana. Ha ke fana, ke fumana ho feta. Selikalikoe ha sea lokela ho emisa. Hona he ke eona thuto ea **‘Nete ea Boiketlo**.
- 5) Sepheo sa thuto ena ha se ho hanyetsa boholo le bongata ba litlhohonolofatso tsa Molimo. Karabelo boipokellong ba maruo, ha se hore Bakreste ba phele ka bofutsana, e be ha ho letho leo ba le hlahisang. Empa liphoso tse kholohali ke tsena.
  - a) Thuto ea boiketlo e-ea nepa hore Molimo ke mofani ea batsi, ea arabelang litlhoko tsohle, ea bileng a sebetsang ka molao oa ho amohela bakeng sa ho fana.
  - b) Leha ho le joalo, re lokela ho bolela hore, thuto ea boiketlo le Bokreste ba boipokello ba maruo, li sitoa ho elelloa hore Bokreste bo shebane haholo fana, e seng ho inkela le ho ipolokela, ekasitana le ho ipokellela.

## VIII. Qetello ea Thuto: Ho biletsoa ho phela bophelo bo Bobebe.

### A. Karabelo ea Mokreste Mangolong le ho ba hlokang, ke ho phela bophelo bo bobebe.

1. Pitso ea ho phela bophelo bo bobebe, e lokela ho ba le lintlha tse tharo.
  - a) Bophelo bo bobebe, bo bolela ho ba le nako e ngata le Molimo, le bakeng sa Molimo.
  - b) Bophelo bo bobebe bo thusana ho qoba liteko tse tlišoang ke maruo, ‘me li tliša ts’ireletseho moeng oa motho.
  - c) Bophelo bo bobebe bo bolela hore, re ka khona ho arolela ba bang ba hlokang.
2. Sepheo sa boraro, ke sona se setle haholo. Se supa ba bang. Adam Finnerty, bukeng ea hae e bitsoang, No More Plastic Jesus o beha litaba tjena:

“Pitso ena ea ho phela bophelo bo bobebe, ha e molemong oa moea oa ka hakaalo, empa e molemong oa ba bang haholo, haholo bakeng sa litlhoko tsa bona tsa mantlha.”<sup>12</sup>



# BIBELE LE CHELETE

B. Bophelo bo bobebe, ha se qetello.

1. Bo lokela e be tsela e isang qetellong. Ho phela ha bobebe ha ho bolele hore motho o se a “halalela”.
2. Ha feela ho phela bophelo bo bobebe ho re thusa ho atamela ho Molimo, ebile re arabela litlhoko tsa ba bang, hoo ke eona khalalelo.
  - a. Bophelo bo bobebe bo tlišoa ke tjantjello ea ho fana.
  - b. Empa bophelo ba boipokello ba maruo, bo hlhisoa ke thahasello ea ho ipelokela le ho icheba bo-‘na.
  - c. Re lokela ho loants’a lerato la leruo kahar’a kereke. Na e ka ba sets’oants’o se setle kelellong ea hau haeba o nka Jesu a qotsa Mangolo bakeng sa ho ts’ireletsa taba ea hore o na le likoloi tse 5, mahae a 4, lireng tse 3?

## Ntlha ea Puisano

Sebelisa lipotso tsena ho akofisa puisano. Ke bophelo bo fe ho a a mabeli, bo lumellanang le Evangeli (bo bobebe kapa botletseng ka maruo)? Ke bophelo bo fe bo lumellanang le bophelo ba sefapano? Ke bo fe bo lumellanang le ho latela Jesu? Ke mang ea buileng mantsoe a fumanoang ho Mar 10:45? Ke bophelo bo fe boo Jesu a bo phetseng?

Notes

—

# BIBELE LE CHELETE

## Notes

## QETELLO

<sup>1</sup>Ronald Sider, Rich Christians in an Age of Hunger (Downers Grove, Ill: InterVarsity Press, 1977), p. 45.

<sup>2</sup>Jack Taylor, God's Miraculous Plan of Economy (Nashville, TN: Broadman Press, 1975), p. 126.

<sup>3</sup>Ibid., p. 166.

<sup>4</sup>John Stott, Involvement (Old Tappan, N.J.: Fleming H. Revell Co., 1973), p. 116.

<sup>5</sup>Walter Pilgrim, Good News to the Poor (Minneapolis, MN: Augsburg Publishing House, 1981), p. 123.

<sup>6</sup>Stott, p. 121.

<sup>7</sup>Taylor, p. 24.

<sup>8</sup>Ibid., p. 55, 58, 59.

<sup>9</sup>John Wesley, "The Use of Money" (an excerpt from his sermon by that title).

<sup>10</sup>Taylor, p. 29.

<sup>11</sup>Ibid., p. 31.

<sup>12</sup>Adam Finnerty, No More Plastic Jesus (Maryknoll, N.Y.: Orbis Books, 1977), p. 105.